



**CANTON SARAJEVO**  
**Cantonal Civil Protection Administration**  
**Operational Center**

Broj: 04-40-1-163/20  
Sarajevo, 12.06.2020. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

**REDOVNI IZVJEŠTAJ**  
**za period od 08:30 sati 11.06.2020. do 08:30 sati 12.06.2020. godine**

Štaba civilne zaštite Kantona Sarajevo (u daljnjem tekstu: Štab), je dana, 11.06.2020. godine održao sjednicu na kojoj je analizirao trenutno stanje na području Kantona Sarajevo uzrokovano povećanjem broja zaraženih koronavirusom (COVID-19) u Kantonu Sarajevo. Na sjednicu su predstavnici Kriznog štaba ministarstva zdravstva Kantona Sarajevo za praćenje i analizu situacije izazvane novim koronavirusom, informisali članove Štaba o trenutnoj epidemiološkoj situaciji na području Kantona Sarajevo.

S obzirom da je u posljednja dva dana došlo do naglog povećanja broja zaraženih koronavirusom u Kantonu Sarajevo, kao i da se od strane građana, a posebno pravnih lica ne poštuje sve propisane epidemiološko-zaštite mjere i preporuke od nadležnih kriznih štabova ministarstava zdravstva, Štab je u cilju sprečavanja daljnjeg širenja zarazne bolesti uzrokovane koronavirusom (COVID – 19) na području Kantona Sarajevo, putem web stranice Kantonalne uprave civilne zaštite Kantona Sarajevo, te putem Press službe Vlade Kantona Sarajevo, uputio apel svim pravnim i fizičkim licima da poštuje sve propisane epidemiološko-zaštitne mjere i preporuke kriznih štabova ministarstava zdravstva.



Štab je u navedenom apelu, upozorio sva pravna lica da su u obavezi da poštuju i svakodnevno u svom radu primjenjuje sve propisane epidemiološko-zaštite mjere i preporuke koje su navedene u Naredbi Kriznog štaba Federalnog ministarstva zdravstva, broj: 01-33-3223/20 od 29.05.2020. godine, dok je građanima sugerisano, da poštuju sve propisane epidemiološko-zaštite mjere i preporuke koje su izdate od nadležnih kriznih štabova ministarstava zdravstva, a posebno na obavezu nošenje zaštitnih maski u zatvorenom prostoru, kao i na otvorenom javnom prostoru, ukoliko na njemu nije moguće održavati propisanu fizičku distancu od dva metra između osoba jer će tako najbolje zaštititi svoje zdravlje i zdravlje svojih najbližih. Štab je također, pozvao nadležne inspekcije organe, da u cilju zaštite zdravlja stanovništva na području Kantona Sarajevo, intenziviraju inspeksijske nadzore nad provođenjem svih propisanih mjera iz navedene Naredbe Kriznog štaba Federalnog ministarstva zdravstva, posebno onih koji se tiču obaveznog nošenja zaštitnih maski i održavanja propisane distance u zatvorenom prostoru kao što su ugostiteljski objekti, trgovine, tržni centri i sl., te da protiv onih pravnih lica koja se ne pridržavaju tih mjera izreknu odgovarajuće kazne.

Štab je zaključio, da će u skladu sa svojim ovlaštenjima i dalje kontinuirano u saradnji sa Kriznim štabom Ministarstva zdravstva Kantona Sarajevo i Vladom Kantona Sarajevo, pratiti epidemiološku situaciju na području Kantona Sarajevo i preduzimati neophodne mjere i aktivnosti na sprečavanju širenja zarazne bolesti uzrokovane koronavirusom (COVID – 19) na području Kantona Sarajevo.

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to dana, 11.06.2020.godine u 09:02 sati od građanina, da je na lokalitetu Bare-Šip, Općina Centar, pronašao jednu ručnu bombu.

O primljenim informacijama obaviješteni su pripadnici Tima za UES Federalne uprave civilne zaštite, koji će navedena neeksplozivna ubojna sredstva preuzeti u narednom periodu.

**Kantonalna uprava civilne zaštite Kantona Sarajevo:** Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su šest intervencija manjeg inteziteta (četiri na gašenju požara i dvije tehničke).

**Iz općinskih operativnih centara civilne zaštite s područja Kantona Sarajevo, kao i od drugih davalaca informacija** nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

**Elektrodistribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.



**Federalni hidrometeorološki zavod:** Jutros u 08:00 sati temperatura u Sarajevu na mjernoj stanici Bjelave je iznosila 12°C, vlažnost zraka 79%, barometarski pritisak 939 hPa.

**BIHAMK:** Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS**, **Centrotans – Eurolines d.d.** i **JP Željeznice Federacije BiH**, gradski, međugradski i željeznički saobraćaj se odvija po redu vožnje.

PO OVLAŠTENJU DIREKTORA  
ŠEF CENTRA  
**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>  
e-mail: [oc@kucz.ks.gov.ba](mailto:oc@kucz.ks.gov.ba)  
Tel: + 387 (0) 33 121, 556-670  
Fax: + 387 (0) 33 556-671  
Sarajevo, Reisa Džemaludina Čauševića 1